



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 35. Emmanuël Ortega plura millia baptizat.

**urn:nbn:de:hbz:466:1-38528**

tum laboratum est, quantum vix posteritas credet. Uno eodemque tempore pueri, viri, senes, foeminae, Hispani, Barbari, cives, suburbanani, Neophyti, Ethnici que calamites deplorabant suas: Alius ex proprio morbo, alius ex mortiente patre matreve, gemitus fundebat miserabiles. Hic vita necessaria, ille Viaticum ad mortem sibi dari petebat: Baptismum, Confessionem, Extremam-unctionem, cognatis sepulturam, catechesim simul plures postulabant. Patres omnibus adesse velle, quo res ferret diversim abstracti, domi curare, in urbe nihil negligere, ad suburbanam excurrere, mortuis vivisque opitulari, denique Indos aequali cura ac Hispanos habere. Fructus laborum fuit, novem mensum spatio, sexies mille supra sexcentos Ethnicos baptizasse, bis mille & octingentis matrimonium ineuntibus adfuisse, quater mille supra centum & sexaginta sepulturæ suis manibus mandasse, innumeros Confessione, Extremâ-unctione & Viatico procurasse: pro certo ab Emmanuele Ortega compertum est, bis mille Ethnicos (si omnes Ethnici vocandi sunt) ad Socios, Baptismi ergo, ex longinquis locis ad properantes, in itinere, ante suscepta sacra, peste enectos fuisse; quorum plerique, sperandum est, misericordiarum Patrem Filii sui Sanguinis prodigum, gratiam suam non denegasse. Subinde pestis Villaricanorum & suburbanorum corporibus satiata, latè in agros & nemora sese effudit. Nec seignior fuit ruri quam domi Sociorum virtus, à quibus, semestri excursione, ter mille & centum Barbari Dæmoni crepti, Christo per initiale Sacramentum asserti sunt; sexenti à pellicatu abstracti, bis mille & quingenti matrimonio Christianorum more ligati. Quæ ego minutum sigillatimque omnia non ægrè recenseo: nam si prophana rerum scriptores, hostes in bello occisis, naves raptas submersasque, milites captos, castra eversa, prædam abactam, numeratò posteritati transmittant: cur ego Fidei hostes ad partes Christi traductos, modum victoriarum, Ducum virtutem, frendente Dæmons, triumphante celo, minutum computando, censuram pia posteritatis reformidem? Ab campestri expeditione reduces Ortega & Fildius, bimetri spatio, Villaricanos omni officiorum genere, & se spiritualibus exercitationibus refecere, donec rursus Ortega in campos sese effunderet.

**I**BRAIIARUM natio decem virorum millibus constans, triginta à Villaricâ leuis, avito more, sparsim venatione se sustentabat, quorum aliqui, nescio quando baptizati, inania Christianorum nomina, mysteriorum nostrorum rudes, præferabant. Sed hi Ethnicique, excusso Hispanorum jugo, iamdudum rebellaverant, ferocitate indolis adeò terribiles, ut nemo corum fines attingere auderet. Unus tamen Emmanuel Ortega, gentis linguam utcumque callens, sine comitatu ad eos penetravit, ratus, peste sœiente, minus ferocius fore: aut si ferocirent, non defuturas sibi vires, quibus pro Christo necem exciperet. Non vano eventu: nam statim ex peste afflatis bis mille & octingenti, paulò antequam morerentur, abjurato Dæmons, Christo nomen admisso Baptismo dedere. Cæteri, quamvis idem percuterent, tantisper dilati, donec superstitionibus relicitis morum bonitate se præbavissent. Qua dilatione effectum, ut trecenti, sè Hispanis regendos traditum venientes, salutariibus aquis tingi mererentur. Præterea variis ex locis Neophyti Ethnicique ad Socios ventitabant, summis precibus rogantes, ut ad populares suos, Doctrinæ Christianæ & Sacramentorum conferendorum ergo, sè conferrent, quos necesse erat, quamvis templo & ornatissimas Cruces in oppidis suis Sacerdotum nostrorum desiderio erexisse se affererent, sine solatio dimittere, ne longinquæ messi inhiantes præsentem perdissent. Paulò postquam hæc gesta sunt, Proprætor Villaricanus Emmanuëlem Ortegam ad numerosum Indorum oppidum deduxit, ubi, iactis Apostolicis ritibus, egregius piscator hominum ter mille & quadringenta capita, è turbido ignorantia lacu educta, melioribus Baptismi aquis immersit. id ægerrimè, ut solet, ferente Dæmons, & oppidi Primores instigante, conflanteque in Ortegam & Hispanos ejus coniurationem: patratumque fuisset scelus, nî Superi divertissent. Nocte namque diem sceleri conditam præcedente, cum Emmanuel Ortega, strati impatiens, quamvis maximè vellet, nullum somnum

Pestis strages

Sexties mille  
& sexcenti  
ritè abluvi-  
tur.Multi frugis-  
tæ baptis-  
tum expetust.Ter mille &  
centum Bar-  
bari baptis-  
tum reci-  
pient.C A P U T  
XXXV.  
Emmanuél  
Ortega plu-  
ra militia ba-  
ptizat.Ibriacarum  
ferocitas.Ortega ma-  
gnanimitas.Bis mille &  
octingenti  
baptizantur.Item ter mil-  
le & qua-  
dringenti.Ortega de-  
vita periculi-  
tarius.

Eius comites  
occiduntur.

capere posset, & circa ædes Barbarorum lento gradu inobservatus ambularet, audit necio quos confabulatores inter se de serie inferenda sibi necis: quo accepto indicio, Hispanis ad mortem etiam destinatis dissimulanter præmonitis, fugâ se cum illis eripit. Illucescente die conspiratores, cognitâ fugâ, tringinta Indos Hispanorum servulos, qui cum dominis suis fugere neglexerant, crudeliter mactant, frustri sceleris causas solitis ululatibus detestantes.

CAPUT  
XXXVI.  
Villaricæ  
Societatis  
fides poni-  
tur.

Eam expectūt  
Hispani,

Et Indi,

**E**REPTUS periculo Ortega Villaricam contendit, ubi dum cum Fildio de repetendâ Assumptionis urbe agitat; cives omnes deprecatores habuit, obstantes ne se desererent. Lamentabili voce aiebant, ab multis retrò annis nullum se Sacerdotem habuisse; habendi nullam spem adesse; ab Paraquaria metropoli ducentis leucis, ab Brasilia urbibus immensis spatiis se distare: ex interjectis utrius regioni locis nullum animarum suarum subsidium sperari posse. Nullibi terrarum Socios J E S U materiam instituti sui rationibus accommodatiorem reperturos, quam in Guairaniâ: nam si tantillo tempore tot millia Barbarorum baptizasent, quid sperandum forer si perpetuam sedem Villaricæ ponerent? Hæc Hispani cum dicarent, & insuper Neophyti, genua & manus Sociorum prensantes, se vix Christo natos deserî flebiliter quererentur, ostenderentque evidens periculum, defectu magistrorum, deserta fide ad avitos mores deficiendi; commota sunt viscerâ Sociorum, nihil contra obtendentium, nisi quod à Majoribus suis pro tempore se in Guairaniam missos, non posse suâ voluntate perpetuò remanere: si accederet Joannis Salonii, cuius imperio subdebantur, authoritas, patatos se & vitam & sanguinem pro singulorum salute impendere. Quo responso recreati Hispani Barbarique, certos homines citatis itineribus ad Joannem Salonium, ducentis leucis distantem, mittunt, qui cum eorum postulatis non repugnasent, illicè templum & domus, civium & Neophytorum manibus, Villaricæ condita sunt. Ubi Ortega & Fildius per septem subsequentes annos tanta patravere, quanta suis locis natrabimus.

CAPUT  
XXXVII.  
Joannis Sa-  
lonii utilles  
labora.

Salonium  
victima  
Guairanæ  
baptizat.

Unus pluri-  
bus par.

CAPUT  
XXXVIII.  
Alfonsus  
Barsena  
Calchaqui-  
nos pacifi-  
cat.

Barsena au-  
dacia.

**N**ec minores erant Joannis Saloni fine socio in Paraquaria metropoli quinquennio persistentis labores, quorum summa hæc est. Multa singulis annis expiationum millia fecit. Diu noctuque aegris sedulus adfuit. Pellicatus, iniurias, odia quamplurima, prudenter cohibuit. Comphiles Ethnicos domi forisque ad Fidem convertit. Quorundam nocivam avaritiam, nolentium Neophyto ex villis aut aliunde, confessionis doctrinæque Christianæ ergo, ad se vel ad alios Sacerdotes accedere, ne opera dispendium facerent, hac fermè ratione repressit. A Propræatore ferri legem impertravit, qua Indorum Domini eorum dominio privabantur, quorum Sacramentales Confessiones non procuraissent. Octoginta Guairanæ Ethnicos, proditionis & rebellionis convictos, antequam funestis ab arboribus suspenderentur, ad unum omnes nostra mysteria eruditos, salutaribus aquis tinxit. Denique solus ille tanta egit, quanta ab numero Collegio factitari solent. Ipse sua domus Recto in se solum severum exercebat imperium. Ipse minister, quidquid levissime peccasset, inflictis penis animadvertebat. Ipse œconomus nullam sui curam, maximam aliorum habebat. In unius hominis domo Catechistam, Concionatorem, Doctorem, Missionarium non desiderares. Ut scias paucitatem non admodum officere, ubi unius egregia virtus adest.

**D**U M hæc in Paraquariâ geruntur, Alfonsus Barsena, recuperatis viribus, Joannem Ramitum Velascum Tucumania Prætorem ad Calchaquinos rebelleres, cum instructis Hispanorum & Indorum copiis, vi armata domando cunctem sequutus, utilissimam Reipublicæ operam navavit. Nam cum Calchaquini, cognito Hispanorum adventu, summa & abrupta montium pro more occupassent, unde ingentia saxa in subjecta vallis angusta itinera, quæ Hispanis transendum erat, devolverent: Barsena, Hispanis ultrò ire prohibitis, solus ipse per ea itinera ait ausus, ac cacumen ab Calchaquinis occupatum enitus est. Ascendi, Ibrida primum

ferox,